

եւ ոչ ինչ : Ծանոյց Սատրգ զիրան Արքայի : Եւ հրաման դարձեալ՝ զի գտցին տուամարք առմանն Երուսաղէմի յաւուրս Սէլիմայ առաջնոյ : Եւ չոքան 'ի սլալատն (Թէ՛ ֆտէրխանէ) ուր սահէին հին տուամարք , մերձ 'ի Դուռն՝ ուր բնակին Թագուհիք , և անդ որոնեալ գտին զայն՝ յորում գրեալ էր յականէ յանուանէ վանօրայք իւրաքանչիւր ազգի , և Մար Անդրիաս անուն վանք Հայոց՝ որ այժմ չերեւի 'ի միջի : Եւ անտի գնացին 'ի դանձարանն Ա՛ն Քյոպանէ , ուր յառաջագոյն ամսօրեայ ժամանակաւ վաստակեալ և ոչ ինչ շահեալ էին :

Իսկ այժմ գտին զարձանագրութիւնս հրովարտակին Սուլթան Մահմուտի առաջնոյ , գրեալ 'ի Թուրն Հիճրէթի 1109 տուեալ Գրիգորի Շղթայակրի . բայց այս գործ տուեաց ամիս մի , և զոր ինչ գտին անդ՝ համառօտեալ և բաղդատեալ ընդ հրովարտակաց առաքեցին առ Արքայ , ընդ նոսին զհին և զնոր հրովարտակս Յունաց , և մնացին անդ 'ի ներքս աւուրս 40 : և ապա առաքեցան 'ի Դուռն ('ի 14 Մարտի) , և ընդ նոսին հրաման սաստիկ առ Տեղապահն (Գայմագամ) և առ մեծ Դենպեան (Շէյխ էլ Իսլամ) կարգել վերսալն Ատեան մեծահանդէս 'ի Դուռն դենպետին : Ժողովեցան անդ Նախարարք և դասք գիտնականաց , սոքա ամենեքեան նստեալ նախ ընթերցան զհրովարտակս երկուց ազգաց , եւ քննութեամբ ծանեան զմիտս նոցին և զճմարտութիւն խնդրոյն :

Նիստ Առաջին , (17 Ապրիլի) :

Հրաւիրեցին զՀայս և զՅոյնս 'ի Դուռն մեծի դենպետին , գնացին Հայք ոգիք իբրեւ 60 ամենեքեան արք երեւելիք՝ և վարդապետք 6 : Եկին անդ և Յոյնք բազմութեամբ մեծաւ : Մտին յԱտեան Գատաւորաց Երեսիրտխանք երկուց կողմանց և արձանագրեցան անուանք իւրաքանչիւրոց : Հարցին Գատաւորք ցՀայս , զի՞նչ է խընդիր ձեր , որ աղերսագիր մատուցեալ էք առ Արքայ . եւ նոքա ետուն սրտատախանի , յայտնի է Տէրութեան ձերում , թէ՛ եկեալ են Սաթթի Շէրիֆքն մեր յԵրուսաղէմէ , և ըստ տրամագրութեան նոցին տիրեալ եմք անդ ամենայն տեղեաց մերոց , և խնդրեմք կայսերական հրովար-